



МЕСЯЦА ИЮНЯ В 27-Й ДЕНЬ

Преподобнаго отца нашего Самсо́на
Странноприёмца

Стихи́ры, глас 1.

Подобен: Всехва́льнии мученицы:

Отче прехва́льне Самсо́не, / плотская́
стремле́ния / воздержате́льными увяди́л еси́
запале́ньми. / В пусты́ню всели́лся еси́, я́ко
Или́я дре́вле, / ум очи́стив непреста́нными к
Бо́гу манове́нии. / И ны́не моли́ся / дарова́ти душа́м
на́шим мир и ве́лию ми́лость.

Отче Богому́дре Самсо́не, / по́стником приче́л-
ся еси́, / безстра́стием укра́шен, / и всели́лся еси́ во
обители́ преподо́бных, / иде́же Свет незаходи́мый /
и иде́же есть Дре́во жи́зни. / И ны́не моли́ся /
дарова́ти душа́м на́шим мир и ве́лию ми́лость.

Отче Богодохнове́нне Самсо́не, / свети́льник
был еси́, / просвеща́я подсолнечную́ чуде́с сия́нии, /
душетле́нных неду́гов отгона́я тьму, / де́монский
отрева́я мрак. / И ны́не моли́ся / дарова́ти душа́м
на́шим мир и ве́лию ми́лость.

**Сла́ва, и ны́не, Богоро́дичен,
глас и подобен то́йже:**

Увѣ мне, что́ бу́ду, / ум, и ду́шу, и те́ло оскверни́в
прегреше́ньми? / Что́ сотворю́? / Ка́ко же избежу́
пла́мене нестерпи́маго, / нереши́мых уз и ве́чных? /
Но, о Всенепоро́чная, / пре́жде конца́ моли́ Сы́на
Твоего́ / подати́ ми оставле́ние.

Крестобогородичен. Подобен тойже:

Своего Агнца Агница и Непорочная Владычица / на Кресте яко виде, зрака не имуща, ниже доброты, / увы Мне, рыдаючи, глаголаше: / где доброта Твоя зайде, Сладчайший? / Где благолепие? / Где благодать блистающая образа Твоего, / Сыне Мой любезнейший?

Тропарь, глас 8:

В терпении твоём стяжал еси мзду твою, отче преподобне, / в молитвах непрестанно терпёвый, / нищия возлюбивый и сия удовливый, / но молися Христу Богу, Сампсоне милостиве блаженне, / спастися душам нашим.

Канон, егоже краеграние: Пою ты, Сампсоне, верно Божественными словесы. Иосифово, глас 2.

Песнь 1

Ирмос: Грядите, людие, / поим песнь Христу Богу, / раздельшему море и наставьшему люди, / яже изведе из работы египетския, / яко прославися.

Песньми твоё пресветлое торжество восхвалити устремившуся, / свет ми низпосли, / предстою венценосец престолу Владычню, преблаженне.

Едину желая, яже к жизни ведущую ты, мира красная претекл еси / и мирное наследие стяжал еси. / Темже ты, сошедшеся, Сампсоне, почитаем.

Закону Божию повинувся, досточудне, / к крайней добродетели, радуяся, востекл еси, милостив всем быв. / Темже ты ныне ублажаем.

Богородичен: Ты, Божию паче слова Родительницу, / яко державно заступление всех, Пренепорочная, побеждаемых, / славим непрестанно и ублажаем.

Песнь 3

Ирмос: Утверди нас в Тебе, Господи, / Древом умерщвлей грех, / и страх Твой всади / в сердца нас, поющих Тя.

Сампсона священнаго восхвалим:/ Божію бо подобяся благоутробию, мѣлостив недужным бысть,/ наготующим же всем одѣжда.

Свято и чѣстно Божѣственное житіе твоѣ препроводив, со святѣми сочетался еси/ и обители преподобных достѣгл еси, просвѣщенія неизреченнаго сподобляемь.

Блажен еси ты, и благо тебе будет,/ Божѣственные соблюдшу, отче, законы Господа и Бога нашего,/ Егѣже моли спастися стаду твоему.

Богородичен: Души моея и ума, Чистая, тьму отжени/ и даждь яко в день нарочит пожити,/ спасительная творящу повеления.

Седален, глас 4.

Подобен: Скоро предварѣ:

Просив духом, яко свѣтѣльник свѣтел, Сампсоне всеблаженне,/ озаряеши нас, чѣстне, в дому твоѣм:/ сего ради врачеванія, от Бога тебе данная, отче,/ сущим в различных недужех раздаваеши./ Тѣмже мольбами твоими избави ны от страстей.

Слава, и ныне, Богородичен:

Обновила еси, Чистая, Божѣственным Рождеством Твоим/ истлѣвшее во страстѣх земнородных мѣртвенное существо/ и воздвѣгла еси вся от смѣрти к животу нетлѣнія./ Тѣмже Тя по долгу блажим вси, Дѣво Препрославленная,/ якоже прорекла еси.

Крестобогородичен:

Дѣво Пренепорочная, Мати Христа Бога,/ оружіе пройде Твою пресвятую душу,/ егда распинаема видела еси волею Сына и Бога Твоего,/ Егѣже, Благословенная, молящи не прѣстай прощѣние прегрешений нам даровати.

Песнь 4

Ирмос: Услышах, Господи,/ слух Твоего смотрѣнія/ и прославих Тя,/ Едине Человеколюбче.

Яко звезда пресвѣтлая, всех нас просвещаети сердца, / досто́жно блажащих тя.

Дрема́ние от очию твою́ отложив, бдел еси́ непреста́нно / и сла́сти телесныя успил еси́.

Ни́щим дово́лен был еси́ Христа́ ради / и прия́л еси́ вѣ́шнее насле́дие, преподо́бне, раду́ся.

Богоро́дичен: Тя, Всенепоро́чная Влады́чице, свѣтлую пала́ту Сло́ва, / песносло́вим и ублажа́ем.

Песнь 5

Ирмо́с: *Свѣта Подателю и веко́в Творче, Госпо́ди, / во свѣте Твои́х повелѣний наста́ви нас: / разве́ бо Тебе́, ино́го бо́га не зна́ем.*

Пречы́стый Свет, почи́вший в тебѣ, / всего́ ты свето́видна сотвори́, о́тче, / просвеща́ющая ве́рных добродѣ́телей твои́х свѣтлыми сия́нии.

Милова́нием мно́гим ни́щим бога́тство был еси́ / и врач су́щим в немо́щи воста́л еси́ я́ве, / сих врачевани́ем отъе́мля неду́ги.

Яви́лся еси́ храм чист Пресвята́го и Честна́го Ду́ха, страсте́й ти́ну очи́щ / сам себе́ я́ко войсти́нну, о́тче Богоно́се, / те́мже восхваля́ем тя.

Богоро́дичен: Тя, Пресвята́я Чы́стая, добро́ту Иа́ковлю, / ве́рою Божѣ́ственными гла́сы песносло́вим, / ро́ждшую нам Бо́га Плотно́сца, Его́же трепещу́т вся́ческая.

Песнь 6

Ирмо́с: *В бе́здне грехо́вней валя́йся, / неизсле́дную милосе́рдия Твоего́ призыва́ю бе́здну: / от тли, Бо́же, мя возведи́.*

Сокро́вищи Небе́сными обогати́лся еси́, / любя́ милова́ние, Сампсо́не сла́вне, / и отверза́я ни́щим твою́ утробу́, соверше́нным умо́м.

Созда́л еси́ в сла́ву Бо́гу на́шему храм освяще́н, / во́ньже притека́юще, от много́видных очища́ются неду́г ве́рнии, преблаже́нне.

Чы́сто жити́е твоѣ препрово́дил еси́ / и с преподо́бными преподо́бно всели́лся еси́; / о нас моли́ся, ве́рно чту́щих тя, Богодохнове́нне.

Богоро́дичен: Не́бо высо́ко была́ еси́ всех Царя́ Бо́га, Всенепоро́чная, / и чы́стая пала́та, и черто́г свѣтел, Божѣ́ственной благода́тию.

Кондак, глас 8.**Подобен: Яко начатки:**

Яко врача всеизрядна и молитвенника благоприятна, / к раце твоей Божественней притекающе, Сампсоне Богомудре преподобне, / сошедшеся любовью, псалмы и песнями, радуящися, Христа прославляем, / такуюю тебе благодать подавающа исцелений.

Икос:

Старческое, краткое и незлобивое, непорочно житие совершившаго, / славно благодать приемшаго чудес, твердо и неизреченну, / Сампсона преподобнаго восхвалим, / алчущих питателя, и сущих в нуждах помощника, и поборника велика, / недугующим воздвигша Божественный храм исцелений.

Песнь 7

Ирмос: *Образу златому, на поле Деире служиму, / трие Твой отроцы небрегоша безбожнаго веления, / посреде же огня ввержени, орошаеми, пояху: / благословен еси, Боже отец наших.*

Крепость Христа державну в напастех имея, преблаженне, / жития преминул еси бурю без истопления, преподобне, / и к тихому пристанищу, воспевая, достигл еси: / благословен еси, Боже отец наших.

Премудростию многою и любовью духовною подвигаемь, / храм создал еси, отче, велик, / в негоже притекающе всегда, исцеление приемлют вси, вопиюще и глаголюще: / благословен еси, Боже отец наших.

Свещник светел добродетелей, Божественным светом просвещаемь, Сампсоне, явился еси / и озарил еси вселенныя концы. / Темже, сошедшеся, ты верою ублажаем, поюще: / благословен еси, Боже отец наших.

Богородичен: *Руно иногда предъявляше чистую утробу Твою, приемшую Небесный дождь, / всех орошающ одержимых жаждою греховною, Всепетая. / Благословена еси, Бога плотию рождашая.*

Песнь 8

Ирмос: *В пещь огненную ко отроком еврейским снизшедшаго / и пламень в росу преложшаго Бóга / пойте, дела, яко Господа, / и превозносите во вся веки.*

Язык движá радостно на Бóжия, óтче Сампсóне, пёсни, / страсти плотскія воздержанием порабóтил еси душй / и раб Христú искренний явился еси и Вьшняго града наследник.

Чистый твой ум, блистáнии Божественными украшен, пресветел явйся / и приятен чистых, всеблаженне, Божественных сияний, / темже ты чтим, Сампсóне, во веки.

Освященну имéя жизнь, преславно, Сампсóне всеблаженне, / яве прославился еси, к Бóгу прешед / се бо пребывает пáмять твоя во веки и правда.

Богородичен: Уста́ви страстéй моих лóтую бую, Чистая Благословенная, / и возбранй всем, нещáдно мою ницетú, Дéво, борю́щим врагом безплóтным, / яко да верно пою Тя.

Песнь 9

Ирмос: *От Бóга Бóга Сло́ва, / неизреченною мудростию пришедшаго обновити Ада́ма, / ядию в тление падшаго люте, / от Святыя Дéвы неизреченно воплотившагося нас ради, / вернии, единомудренно пёснями величаём.*

Се пáмять твоя, óтче, якоже со́лнце, всем возсия, / просвещаючи светло в ней ты сла́влящия, / яко служителя Христо́ва, и наследника Цáрствия Егó, / и всем преподóбным соприча́тника.

Яко светозáрно житиё твоё, яко вéлия сла́ва, / яко богáт гроб твой, мудре, иде́же честное тéло твоё лежáше, / здравие источáет притека́ющим верно и твоея прося́щим по́мощи всегда́.

Твоим пресла́вным, óтче, врачевствóм, е́же болéзными стяжáл еси, / посещáти при́сно не оскудéй, мо́лимся, во мно́зе милосёрдии непрестáнно предсто́я нам / и облегчáя болéзни и труды душ нáших.

Сóлнечныя облистáя чтúщим ты, óтче, зарй, / просветй нáша душéвная чýвства / и свéтлости

Божественныя прича́стники сподо́би ны / моли́твами тво́ими, блаже́нне, бы́ти, мо́лим тя.

Богоро́дичен: Светови́ден Тя о́блак пра́веднаго Со́лнца ве́дяще, Чи́стая, / ра́дуйся, ве́рно Тебе́ взыва́ем, / апо́столов сла́ва, и вене́ц му́чеников сла́вных, / и ве́рных спасе́ние, Де́во Неискусобра́чная.

Свети́лен.

Подобен: Не́бо звезда́ми:

Расточи́л еси́ твоё бога́тство ни́щим богоуго́дно / и весь возложи́лся еси́, о Сампсо́не, Го́сподеви, / Егóже моли́ всяческих страсте́й нас изба́вити.

Богоро́дичен:

Держа́вным Тво́им покрóвом / от враг наве́та нас, Чи́стая, Тво́я рабы́, сохрани́ вся невре́дны, / Тя бо стяжа́хом еди́ну прибе́жище в ну́ждах.

НА ЛИТУРГИИ

Прокі́мен, глас 7: Честна́ пред Го́сподем / смерть преподо́бных Егó. **Апо́стол к Гала́том, зача́ло 213. Ева́нгелие от Луки́, зача́ло 67. Прича́стен:** В па́мять ве́чную:

Моли́тва

О те́плый моли́твенниче, бла́гостный о́тче, преподо́бне Сампсо́не! Моли́ Бо́га о мне, грешнем, и низпосли́ от Всеблага́го Влады́ки по́мощь ми и изба́вление, привре́менная бо есть жизнь моя́ и исполнена́ труда́, скорбе́й и болезне́й. Укрепи́ се́рдце моё, да возмогу́ понести́ тяготу́ мою́, и не попусти́, да превозмо́гут искуше́ния мно́гая моя́ ма́лыя си́лы, но споспешеству́й мне заступле́нием тво́им и посреде́ обстоя́ний и бед упра́ви путь мой в Ца́рство Небе́сное, да сла́влю просла́вляшагося в тебе́ Го́спода во ве́ки. **Ами́нь.**

Преподо́бный Сампсон Странноприемец — образец истинно христианского милосердия, живой и действительной любви к людям, доходящей до полного самоотвержения.

Святой Сампсон родился в Риме в богатой и знатной семье. Он получил хорошее образование, особенно основательно изучил врачебное искусство и использовал его для того, чтобы

лечить безвозмездно, преимущественно убогих и нищих. Понимая, что дела благотворительности можно совершать только при христианском воспитании души, преподо́бный Сампсон прилежно занимался чтением Священного Писания, много молился.

После смерти родителей святой Сампсон раздал все оставшиеся ему

по наследству имения, исполняя на деле совет о совершенстве, данный Спасителем богатому юноше (Мф. 19, 21). Преподобный избрал подвижнический образ жизни, отпустил всех рабов на свободу и, желая стяжать себе духовное сокровище, отправился в пустыню с намерением проводить строгую жизнь аскета. По Промыслу Божию святой Сампсон прибыл в Константинополь. Здесь он поселился в небольшом доме и стал принимать странников, больных, нищих и с усердием служил им. Преподобный с любовью относился к людям, творил дела милосердия, и это стало для него глубокой потребностью. Господь прославил Своего угодника. Случилось так, что император византийский Юстиниан I (527—565) тяжело заболел. Не получив облегчения от помощи самых искусных придворных врачей, император стал усердно молиться Богу. Вскоре Юстиниан увидел во сне человека, о котором ему было сказано, что он-то и может исцелить императора. В поисках этого врача слуги императора обошли весь Константинополь, наконец, преподобный Сампсон был найден и приведен во дворец. Одним прикосновением руки к больному месту святой исцелил Юстиниана. Благодарный император стал предлагать ему много золота и серебра. Но преподобный отказался от даров, а взамен попросил императора построить странноприимный дом и больницу. Император охотно

выполнил эту просьбу и даже приписал к этим учреждениям поместья для их содержания. До глубокой старости продолжал преподобный Сампсон свое служение. Кончина его († ок. 530) была безболезненной и мирной, тело святого погребли в храме во имя священномученика Мокия († ок. 295).

Господь прославил Своего угодника по смерти даром чудотворений. Однажды, когда в Константинополе был сильный пожар, пламя достигло и до странноприимницы святого Сампсона. Однако здание осталось неповрежденным, ибо по молитвам преподобного вдруг полил сильный дождь. Некий придворный, по имени Феодорит, оступившись, получил серьезную травму ноги, так что он не только не мог ходить, но от сильных страданий потерял даже сон и аппетит. Больной стал усердно молиться преподобному Сампсону и через три дня получил чудесное исцеление: преподобный сам явился ему, коснулся поврежденной ноги и сказал Феодориту: «Встань, ибо ты уже больше не будешь болеть».

Преподобный и по смерти не оставил своей странноприимницы. Когда начальник странноприимного дома, некто Енесий, стал допускать небрежности в выполнении своих обязанностей, преподобный Сампсон сам явился ему и стал грозно укорять за нерадение. Вразумление подействовало, вскоре Енесий исправился.

В
ТОЙЖЕ
ДЕНЬ

**Служба благодарственная Бóгу,
в Троице Святой славному, о великой,
Бóгом дарованной побéде над свéйским королём
Карóлом вторым на́десять и во́инством его,
соде́янной под Полта́вою в ле́то от воплоще́ния
Госпо́дня 1709, ме́сяца ию́ня в 27-й день**

НА МАЛОЙ ВЕЧЕРНИ

Стихи́ры, глас 1:

Трисвяты́ми пёсньми / непреста́нно от А́нгелов
хва́лимый, / воспри́ми и от нас, брénных,

трисвяту́ю песнь, Победителю́ Бо́же, / брѣнными и сквѣрными усты́ вопи́ющих: / Святы́й Бо́же, грѣшников поми́ловавый, / Святы́й Кре́пкий, си́льных горды́ню сокруши́вый, / Святы́й Безсме́ртный, враго́в на́ших умертви́вый, / нас же от сме́рти сохрани́вый, / Трои́це Свята́я, Бо́же наш, сла́ва Тебе.

Что́ Ти принесѣм, / благ на́ших не тре́бующий Бо́же, / я́ко яви́лся еси́ нам с щедро́тами Твои́ми, / от ве́ка неслы́шанными? / Нестъ что́ ино, / кроме от сосуда́ Твоего́ избра́ннаго угото́ванную песнь сию́: / Бо́гу благодарѣние, / да́вшему нам побѣду Го́сподем на́шим Иису́с Хри́стом / и исходя́щим от Отца́ Всесвяты́м Ду́хом.

Падóша кре́пцыи си́лою Твоею́, Всеси́льный Бо́же, / но ну́ждою падóша пред Тобо́ю / и не возмо́гут ста́ти. / Мы же, Твоею́ ми́лостию стоя́ще прóсти, / волею́ Твоему́ вели́честву припада́ем, вопи́юще: / вознесы́й рог Хри́ста́ Твоего́ и всех правосла́вных, / сломи́вый же ерети́ческий, / Бо́же наш, сла́ва Тебе́.

Кто́ по досто́янию / воспѣти мо́жет ми́лости Тво́я, Го́споди, / я́вльшиися нам ны́не, / не то́кмо от человек, но ниже́ от А́нгел? / Ты бо бо́лий еси́ все́я хвалы́, / и ни еди́но же сло́во дово́льно к похвалѣ́нию дел Твои́х. / Сам у́бо, и́же научи́л еси́ ру́це мой на ополче́ние, / и устне́ отвѣрзи, / да, я́коже возмо́жно челове́ком, / возвестя́т хвалу́ Твою́.

Сла́ва, и ны́не, глас 8:

Сла́ва Тебе́, Предвѣ́чный О́тче, / сих, и́же не суть досто́йни наре́щися сы́ны Тво́я, / возлюби́вый и просла́вивый; / сла́ва Тебе́, Сы́не Единоро́дный, / рабо́в Твои́х, а́ки сынóв, от па́губы искупи́вый; / сла́ва Тебе́, Ду́ше Пресвяты́й, / вся во всех благода́тию Сво́ею соде́явший и де́йствующий. / Трои́це Свята́я, Бо́же наш, сла́ва Тебе́.

На стихóвне стихи́ры, глас 2.

Подóбен: До́ме Евфра́фов:

Торже́ственными ветвьми́ / преукра́шенна, / но́вый Сиóне, Росси́е, / благодарственная́ воспой

Бо́гу, / победившему супостаты твоя.

Стих: Услышите сия, вси языцы, / внушите вси живущии по вселенней.

Стені, враже православія, / се бо тя, вознесенна, / покорі Бог / под нозе / боящимся Его.

Стих: Господи, Господь наш, / яко чудно Имя Твое по всей земли.

Вси окрестнии народи, / хотящии брани, / вострепещите, видяще, / яко Бог / поборствует по нас.

Слава, и ныне, глас тойже:

Всяк православный / да воспоет дивное Божие смотрение, / устроившее верным славу, / еретиком же / студ и пагубу.

Тропарь зри на велицей вечерни.

НА ВЕЛИЦЕЙ ВЕЧЕРНИ

На Господи, возвах: **стихиры, глас 6:**

Тебе, Трипостасному, / победительную песнь Россия возсылает, / Отцу, всемогуществом вражю сокрушившему силу, / Сыну, премудростию расточившему лукавых советы, / Духу Святому Параклиту, нас в скорбех утешившему, / сердцем и устнами вопиющи: / Свят еси, Отче Всемогущий, / Свят еси, Сыне, Божия Премудросте, / Свят еси Душе, Благодать неистощимая, / Боже наш, слава Тебе.

Воспойте, россиястии народи, / Победителю Богу песнь нову, / содеавшему чудо новейшее всех древних чудес: / сильныя бо сокруши во брани, / немощныя же препояса силою свыше / и вознеси смиренныя. / Тому победительная возсылаем / и, припадающе, вопием: / Боже наш, слава Тебе.

Поим Господеви, / и ныне бо славно прославися, / ничимже меньше от прежних: / Иже бо древле гордаго фараона погрузи в Чермнем мори, / сей и ныне равнаго фараону / гордостию и суровством в чермнем крове / воев его потопи мори сопротивнаго. / Мы же, прешедше по суху посреде сего моря, / поем Господеви: / славно бо прославися.

Сказал еси, Господи, делом и словом, / Chesó rádi дрéвле вознэсл еси лютаго на люди Твоя фараона; / познахом и ныне от страннаго дела Твоего, / Chesó rádi воздвигл еси востающия на ны, / яко да вознесении смирятся падением, / Твое же чудное Имя вознесётся превыши небес. / Непостижиме в делах Твоих, Боже, / слава милосердию Твоему.

Благословен еси, Господи Боже наш, / научивый рúце наши на ополчение, / персты наша на брань: / Твоею бо Ипостасною Мудростию невежество наше / на хитрость вражю умудрися, / Твоею силою немощь наша на гордосильнаго укрепися, / Твоею благодатию множество грехов наших покрися / и ярость львовая смирися. / Вся ведый, вся могый, / вся беззакония рабов Твоих презирай, / Боже наш, слава Тебе.

Боже, песнь нову воспеваем Тебе, / дающему спасение людем, / избавляющему Петра, якоже Давида, раба Своего, / от стреляния люта. / Ты послал рúку Твою с высоты / и избавил еси нас от вод многих, / от рук сынов чуждых, / ихже храбрость ублажиша и убоишася мнози; / но нам, на Тя надеющимся, / а не на свою силу уповающим, споборствуяй, / явственно показал еси, / яко сии токмо людие блаженны суть, / имже Господь Бог их.

Слава, глас 1:

Кто возглаголет силы Твоя, Господи? / Слышаны сотворит вся хвалы Твоя? / Ты бо и ныне смирил еси яко язвена гордаго, / мышцею силы Твоея разнал еси враги Твоя, / нам же, безчисленнаго ради милосердия Твоего, / не по беззаконием нашим сотворил еси, / но якоже щедрит отец сыны, / ущедрил еси боящихся Тебе. / Исповедят Небеса чудеса Твоя, Господи, / и земля истину Твою в Церквах святых. / Мы же воспоём милости Твоя: / исповемыся Тебе, Господи, / яко Благ еси, яко во веки милость Твоя.

И ныне, Богородичен: Всемирную славу:

Исхода чтение (главы 13 и 14):

Воздвигшися сынове Израилевы от Сокхофа, / ополчшася во Офоме при пустыни. / Бог же

вождáше их днем ўбо в столпé облака, показáти им
 путь, / нóщию же в столпé огнá. / И не оскудé столп
 облака дне / и столп óгненный нóщи пред все́ми
 людьми. / И возглаго́ла Господь к Моисе́ю, глаго́-
 ля: / глаго́ли сыновом Изра́иловым, / и, возврати́в-
 шися, да ополча́тся пра́мо предгра́дия, / посреде́
 Магда́ла и посреде мо́ря, пра́мо Веелсепфо́ну, /
 пред ни́ми ополчи́вшися при мо́ри. / И рече́т
 фарао́н людем своим о сынéх Изра́иловых: / за-
 блужда́ют сии по земл́и, затвори́ бо их пусты́ня. /
 Аз же ожесточу́ се́рдце фарао́ново, и поженéт
 созда́и их, / и просла́влюся в фарао́не и во всем
 во́инстве его́, / и уразуме́ют вси египтяне, я́ко Аз
 Господь. / И сотвори́ша та́ко. / И возвещéно бысть
 царю́ египетскому, я́ко бежа́ша лю́дие, / и превра-
 тис́я се́рдце фарао́ново и служи́телей его́ на лю́ди,
 и реко́ша: / что́ сие́ сотвори́хом? Отпусти́ше сы́ны
 изра́илевы, е́же не рабо́тати нам? / Впряже́ ўбо
 фарао́н колесни́цы своя́ и вся лю́ди своя́ собра́ с
 собо́ю. / И поя́т шестьсо́т колесни́ц избра́нных, / и
 вся́каго коня́ египетскаго, и триста́ты над все́ми. /
 И ожесточи́ Господь се́рдце фарао́на, царя́ египет-
 скаго, / и погна́ созда́и сыно́в Изра́иловых, / сыно-
 ве же Изра́илевы исхожда́ху руко́ю вы́сокою. / И
 погна́ша египтяне во след их / и обрето́ша их,
 ополчи́вшихся при мо́ри, / и всяк конь и колесни́-
 цы фарао́новы, и во́инство его́, и ко́нницы его́ /
 пра́мо предгра́дия, сопроти́ву Веелсепфо́на. / И
 фарао́н приближа́шися, и, возрэ́вше, сынове
 Изра́илевы очима́ видеша, / и се египтяне ополчи́-
 шися в след их, и убо́яшася зело́, / возопи́ша же
 сынове Изра́илевы ко́ Господу. / И рéша к Мо-
 исе́ю: / за е́же не бы́ти ли гробом во Египте, извёл
 еси́ нас умертви́ти в пусты́ни сей? / Что́ сие́
 сотвори́л еси́ нам, извёд нас из Египта? / Не сей ли
 бе глаго́л, его́же рехом к тебе́, глаго́люще: / оста́ви
 нас, я́ко да рабо́таем египтяном. / Луч́ше бо бе нам
 рабо́тали египтяном, не́жели умре́ти в пусты́ни
 сей. / Рече́ же Моисе́й к лю́дем: / дерза́йте, сто́йте и
 зрите́ спасéние от Го́спода, е́же сотвори́т нам
 днесь. / Имже́ бо о́бразом зря́ете египтяны́ днесь, /
 не приложите́ ктому́ видети их в вéчное лéто. /
 Господь побóрет о вас, и вы умолкните. / Рече́ же

Господь к Моисею: что вопи́еши ко Мне? / Глаго́ли сыновомъ Изра́иловымъ, и да путешество́уют. / И ты возьми́ жезл твой, и прости́ ру́ку твою́ на море, и расто́ргни е, / и да вни́дут сынове Изра́илевы посреде́ моря по су́ху. / И се Аз ожесточу́ сердце́ фарао́ново, и слуг егó, и египтян всех, / и вни́дут в след их, / и просла́влюся в фарао́не, и во всемъ во́инстве егó, / и в колесни́цах, и в ко́нех егó. / И уразуме́ют вси египтяне, яко Аз Господь / прославля́ющу Ми ся в фарао́не, и в колесни́цах, и в ко́нех егó. / Взятся же Ангелъ Божий, ходя́й пред полкомъ сыновъ Изра́иловыхъ, / и по́йде созда́и их, / взятся же и столпъ о́блака от лица́ их и ста созда́и их. / И вни́де посреде́ полка́ египетскаго и посреде́ полка́ сыновъ Изра́иловыхъ, / и бысть тьма и мракъ, и при́иде но́щь, / и не сме́сишася другъ с дру́гом во всю но́щь. / Прости́ же Моисей ру́ку на море, / и возгна́ Господь море́ вѣтромъ ю́жнымъ си́льнымъ всю но́щь, / и сотвори́ море́ су́хо, и разступи́ся вода, / и внидо́ша сынове Изра́илевы в посреде́ моря по су́ху, / и вода́ им бысть стена́ одесну́ю и стена́ ошу́ю. / Погна́ша же египтяне, и внидо́ша созда́и их / всякъ конь фарао́новъ, и колесни́цы, и вса́дницы посреде́ моря. / Бысть же в стра́жу у́треннюю, и возре́ Господь на полкъ египетский, / в столпе́ о́гненномъ и о́блачномъ, и смяте́ полкъ египетский. / И связа́ о́си колесницъ ихъ, и ве́дѣше ихъ с ну́ждею, и реко́ша египтяне: / бежи́м от лица́ Изра́илева, Господь бо побора́ет по нимъ на египтяны. / Рече́ же Господь к Моисею: / прости́ ру́ку твою́ на море, и да возврати́тся вода, / и да покрѣ́ет египтяны, колесни́цы же и вса́дники. / Прости́ же Моисей ру́ку на море, и устрои́ся вода́ ко дню́ на ме́сто, / египтяне же бежа́ша под водо́ю, и истрясé Господь египтяны посреде́ моря. / И, обрати́вшись, вода́ покрѣ́ колесни́цы, и вса́дники, и триста́ты, / и всю́ силу фарао́нову, вше́дшихъ в след ихъ в море, / и не оста́ от нихъ ни еди́н. / Сынове же Изра́илевы прои́доша по су́ху посреде́ моря, / вода́ же имъ— стена́ одесну́ю и стена́ ошу́ю. / И изба́ви Господь Изра́иля в день онъ из ру́ки египтян, / и ви́де Изра́иль египтяны умерша́ при кра́и моря. / Ви́де же Изра́иль ру́ку вели́кую, яже сотвори́ Господь

египтяном, / и убо́яшася вси лю́дие Го́спода, / и ве́роваша Бо́гу и Моисе́ю, уго́днику Егó.

Левітских книг чтéние (глава́ 26):

Глаго́ла Госпо́дь сынóм Изра́илевым, глаго́ля: / а́ще в повелéниях Мо́их хóдите, / и за́поведи Мо́я сохранитé, и сотворитé я́. / И дам вам дождь во время егó, / и земл́я даст рождéния сво́я, и дрéвa пóльная отда́ят плод сво́й. / И пости́гнет вас млачéние*, обрáние винá, и винá обрáние пости́гнет сэятву, / и снéсте хлеб ваш в сýтость, и вселитéся с твёрдостью на земл́ю вáшей. / И дам мир в земл́ю вáшей, и ўспнете, / и не б́удет вас устрашáяй. / И погублю́ звéри лю́тыя от земл́и вáшей, / и брань не прóйдет сквозé зéмлю вáшу. / И поженéте враѓи вáша, и пад́ут пред вáми убиéни. / И поженéте пять из вас сто, и сто вас поженéте тьмы: / и пад́ут враз́и вáши пред вáми мечéм. / И пр́изрю на вы, и возблагодословлю́ вы, / и возвращ́у вы, и умно́жу вы, / и полож́у завет Мо́й с вáми. / И снéсте вётхая, и вётхая вётхих, / и вётхая от лицá нóвых изнесéте. / И полож́у завет Мо́й в вас, / и не возгнушáется душá Мо́я вáми. / И похожд́у в вас, и б́уду вам Бог, / и вы б́удете Мнe лю́дие. / А́ще же не послушáете Менé, ниже́ сотворитé повелéний Мо́их сих, / но ни покоритéся им, / и судéб Мо́их вознегод́ует душá вáша, / я́коже вам не твор́ити всех за́поведей Мо́их, / и я́ко разор́ити завет Мо́й. / И Аз сотворю́ с́ице вам: / навед́у на вы скúдость, и сэете вотцé сэмена вáша, / и изъяд́ят труды́ вáша прот́ивнии вáши, / и поставлю́ лицé Моé на вы, и падéте пред враѓи вáшими: / и пожен́ут вы ненав́идящи вас, / и побéгнете ником́уже, гоня́щу вас. / И сокруш́у досажд́ение горд́бы вáшей, / и полож́у нéбо вам, я́ко желéзно, / и зéмлю вáшу, я́ко мéдьяну. / И б́удет вотцé крéпость вáша, / и земл́я вáша не даст сэмене своeгó, / и дрéвa сéльная не да́дут плодá своeгó. / И посл́ю на вы звéри д́ивия земн́ья, и пояд́ят вас и потреб́ят скоты́ вáша, / и умáлены сотворю́ вы, и погуб́ит вы наход́яй меч. / И б́удет земл́я вáша пуста́, и двор́и вáши б́удут пúсты, / я́ко

* млачéние — молочение хлеба, жатва

вы ходісте ко Мне странюю, / и Аз пойду к вам в ярости странюю — / глаголет Господь Бог, Святыи Израилев.

Пророчества Софониева чтение (глава 3):

Тако глаголет Господь: / радуйся зело, дщи Сионова, / проповедуи, дщи Иерусалимова, / веселися и красуйся от всего сердца твоего, дщи Иерусалимова. / Отъят Господь неправды твои, / избавил ты еси из руки враг твоих, / воцарится Господь посреде тебе, и не узриши зла ктому. / Во время оно речет Господь Иерусалиму: / дерзай, Сионе, да не ослабеют рuce твои. / Господь Бог твой в тебе силен спасти тя, / наведет на тя веселие, и обновит тя в возлюблении Своем, / и возвеселится о тебе в красоте, яко в день праздника. / И соберет сокрушенные. / Горе, кто приятнань поношение? / Се Аз творю в тебе Мене ради, глаголет Господь, / во время оно спасу сотренную, / и отриновенную восприиму, / и положу их в похвалу / и имениты по всей земли.

На литии стихиры, глас 1:

Приидите, окрестнии народи, / и видите дела Божия, / яже сотвори во днех и во странах наших: / егоже врага убойстеся и ублажисте, облия студом; / на негоже крепко уповасте, / яко стена преклонена / и оплот возриновен разорися, / и, егоже непобедима быти глаголасте, / паде, яко един от человек. / Мы же, силою Вышняго непобедими стояще, / честни и славни, купно же и благодарни, / воспеваем Богу песнь победную.

Глас 4: Непочитатель Креста Святаго, лжехристианин / и Божественных икон посмеятель / силою Креста Святаго побежден еси и поруган / и, не надеяся на помощь Всесильнаго, / Егоже честь во иконах повреди, / к ненавистником имене Христова побеже, / крестоноснии же люди православнии Российстии, / святых икон поборницы, / победительную песнь Богу воспевающия, / да благоденствуют во веки в мире.

Возвесели́шася Небеса́ и вси, живу́щие на них, / па́дшу зми́ю и а́нгелом его́ / во бра́ни с Миха́йлом; / возвесели́ся и ты, землѣ, / я́ко паде́ лев свѣ́йский, борю́щийся с на́ми. / Ны́не спасѣ́ние и си́ла и о́бласть Христа́ Господня́: / низложе́н бо е́сть клеветни́к бра́тии на́шей / и уничиже́н уничижа́яй нас.

Свя́зан верхо́внейшаго моли́твою, святота́ть лета́ющий / лю́те паде́ от возду́ха, и сокруши́ го́лени, / и, я́же криле́ восприя́т, внеза́пу ног лиши́ся. / Того́же верхо́внейшаго моли́твами / и его́ тезоимени́таго труда́ми / свѣ́йский Си́мон, мня́йся от горды́ни не по землѣ ходи́ти, / устрелѣ́н, охромѣ́ на постыде́ние свое́я го́рдости. / Мы же, сие́ де́ло Бо́жие ви́дети сподо́бльшиися, согла́сно возопи́ем: / Бо́же, го́рдаго смири́вый, а смире́ннаго возбу́сивый, / сла́ва смотре́нию Твоему́.

Глас 7: Не ста но́га на правоте́ супоста́та на́шего, / те́мже и уязвлѣ́на пра́вды стреля́нием; / Петра́ же, я́коже Дави́да, / но́га ста на ка́мени правосла́внаго испове́дания и я́стины. / Те́мже невредима́ пребы́сть страна́ на́ша вра́жиими стрелáми, / ю́же я́ко ны́не неподви́жиму показáл еси́, Го́споди, / утверди́ и сохрани́ во век ве́ка непреткнове́нну.

Сла́ва, и ны́не, глас 6:

Ра́дуйся, Бо́гом в бра́ни просла́вленная Росси́е, / Бо́гом венча́нная правосла́вия сла́во, / ра́дуйтесь, военача́льницы и великоду́шни во́ини Иису́с Христо́вы / и вси благочестивых соста́вы: / порази́ Бог враго́в и супоста́т твои́х / и возвели́чи Своѣ́ Ца́рство, / в ти́шину́ и весе́лие христиа́нскому ро́ду / и спасѣ́ние всем.

На стихо́вне стихи́ры, глас 5:

Прииди́те, ве́рнии, / возра́дуемся Го́сподеви со стра́хом и ра́достью, / победи́тельныя ве́тви, я́же дарова́ нам, / под но́гу Его́ подстила́юще, / со стра́хом Бо́жия ра́ди вели́чества, / и лю́таго, а́ще и не ско́раго, на нечестивых отмщѣ́ния, / с ра́достью же, неизгла́боланнаго милосѣ́рдия ра́ди, / я́мже

презрѣв беззаконія наша, / толикая недостойным дарова нам.

Стих: Услышите сия, вси языцы, / внушите, вси, живущии по вселенней.

Иже древле посла Ангела Своего / и побил полки ассирийския, / Сей и ныне Господь сил не стерпит наругания свейскаго / на Российскую державу, / посла Ангела Своего, иже ополчился окрест боящихся Его, / и разгна вся полки противных, / российскому же роду / спасение и безсмертную славу содела.

Стих: Господи, Господь наш, / яко чудно Имя Твое по всей земли.

Якоже людие израильтестии / увидевше великую руку Господню на египтянов, / тако и мы ныне, увидевше, / колика содела свеем, врагом нашим, / веселимся, и веруем Тебе, Господи, и угодником Твоим, / и, с трепетом припадающе, вопием: / страшен и дивен еси, Господи, / не токмо наказующий, но и милующий человеков.

Слава, и ныне, глас 8:

Видесте и вы, свейстии военачальницы и силы, / царствующий град российский, / но не якоже хотесте, / но яко Бог изволи: / видесте, преклонени долу, яко побеждени ведоми, / якоже подобает пленником. / Радуйтесь обаче в себе, обретше милостиваго победителя, / о немже роди православных благоговейно вопиют: / Господи Саваофе, помилуй помиловавшаго и врагов своих / и утверди его державу / во век века ненаветну.

Тропарь, глас 8:

Препрославлен еси, Господи Боже наш, / даровавый крепость на враги отечеству нашему, / якоже Давиду на прегордаго Голиафа, / осенил еси над главою его в день брани, / препоясал еси немощныя силою свыше / и теми всю дерзость вражью низложил еси. / Многомилостиве, слава Тебе.

НА УТРЕНИ

На Бог Господь: тропарь трижды: Препрославлен еси, Господи:

По 1-м стихословии седален, глас 7:

Праздновати уставихом нарочитый день сей Тебе, Милостиве Господи, / воньже возвеселил еси нас о вразех наших, / яко да познает род ин, сынове родящийся, / и востанут, и поведят я сыновом своим: / яко да положат на Бога упование, и не забудут дел Божиих, / и заповеди Его взыщут, и с нами прославят от рода в род / Тя, зело прославльшагося в нас.

Слава, и ныне, глас тойже:

О, крайняго неистовства и злобы! / Обретесе ныне последующий зле предыдущему Иуде, / обретесе вторый Иуда, раб и льстец, / обретесе сын погибельный, диавол нравом, а не человек, / треклятый отступник Мазепа, / иже оставив страну православную, / и прилепился к супостату, совещая воздати злая за благая, / за благодеяние — злодеяние, за милость — ненависть, / Бог же воздаде второму, якоже и первому Иуде, по делу их.

По 2-м стихословии седален, глас 8:

Равно древнему столпотворению, / высокоумное врагов наших здание подобное прият разорение: / сниде бо Бог видети дело их и смеси языки им, / яко не слышати друг друга своего, / ни воинству начальников гласу внимати, / и разсыпав их по лицу земли живых, мертвых же прияша преисподняя земли, / и дело их в прах разсыпався. / Мы же в зданиях храмов Божиих, о нихже брань творим, воспоём велегласно: / слава низхождению и смотрению Твоему, единому Человеколюбче.

Слава, и ныне, глас тойже:

Не уподобился еси человеку купцу, / ищущему добрых бисеры, неблагоприятный и лукавый рабе, / но неистовому Иуде, ищущему пагубы / и разыскавшему предати многоценный бисер — Христа, / и

благими всіми, їхже лишійся, купи неизглаголанная злая./ Сему уподобился еси, юрде, сему подражал еси, неблагодарне,/ сему последовал еси, лестче Мазепо,/ темже и благих лишён, равныя злая стяжал еси/ и к нему прешёл еси на место своё.

По полиелѣи припѣв:

Величаем Тя, / Трипостасный Бóже, / вознесенную гордость смирившего / и на Тя уповающим / победу даровавшего.

Псалом избранный: Судѣ, Господи, обидящая мя: **Зри на Воздвѣжение Честнаго Креста.**

Седáлен, глас 4:

Не вопрошай прочее, Давиде, где суть милости Господни древния, / имиже клялся есть отцем нашим? / Обретохом бо я в новой благодати. / Обретохом и во днѣх наших тѣяжде милости Господня древния на полях полтавских, / егда сниде к нам Господь сил на помощь, / и ополчѣся на врагов наших сильных, и смутѣ их, / творя милость христу Своему Петру / и Своё Крестом сохраняя врученное тому жительство.

Слава, и ныне, тойже.

Степенна, 1-й антифон 4-го гласа. Прокимен, глас 4: Буди, Господи, милость Твоя на нас, / якоже уповахом на Тя. Илї: Господь Сил с нами, заступник наш, Бог Иаковль. Стих: Господь разоряяй советы языков и отметаѣя мѣсли людѣй. Илї: Бог нам прибежище и сила, Помощник в скорбѣх, обрѣтших ны зело. Всякое дыханіе: **Евангелие от Матфея, зачало 27.**

По 50-м псалмѣ стихира, глас 6:

Восхвалим днѣсь согласныя Святаго Духа органы, / Богом собранный лик апостольский, / не подражавший Иуде предателю, / но верою и любовью даже до смерти послуживший своему Учителю. / О блаженнии овцы, слушающии пастыря, / блазии раби и вернии, / повинующиися Господу своему, / достойно внидоште в радость Господа

своего, / достойно сядете на двунáдесятих престó-
 лех, / судяще дванáдесяте колéнома Израíлевома! /
 Блажéни и вам подражáющие véрою и любóвию к
 своим настáвником, / чáда отцém, рабí владýкам
 послушливii! / Да восхвáляются нýне с вáми зем-
 нii Ангели, / не прилепíвшиися диáволу крамóль-
 нику, / да почтýтся, я́коже апóстоли, / не согласíв-
 шиися со вторým Иúдою Мазéпою, / но дýши
 предавшии за своего владýку. / Возвеселíteся
 нýне, плачушим отстýпником, / взыграйте, стеля-
 щим и рыдáющим супостáтом: / достойни есте за
 вёрность и послушáние / прiятия чéсти и венцév
 Небéсных.

**Канóн благодарственный Бóгу, в Трóице слáви-
 мому, дáвшему сию преслáвную побéду. Глас 1.**

Песнь 1

Ирмóс: Твоя победíтельная деснiца / боголéпно
 в крéпости прослáвился: / та бо, Безсмéртне, / я́ко
 всемогúщая, протiвныя сотрэ, / израíльтяном
 путь глубинí новосодéлавшая.

Трисвётлое Едино Божество, испóлни уста на-
 ша Всесвятáго Твоего Дýха, / да о сих возможем
 Тебé воспéти песнь благодарственную, / я́же нам,
 Светодéтелю, мiлостивно содéлал еси.

Божéственных чинóв лики да стáнут нýне с
 нами / и воспóют победíтельную песнь Бóгу,
 дiвному и преслáвному в дéлех, / И́же чудéсно
 смири врагóв наших вознесéнную гордýню.

К похвалéнию Триипостáснаго Божества стецы-
 тесь, земнорóднии, / и áще не по достоянiю, то по
 усёрдию воспóйте неразделимую Трóицу, / толи-
 кая благáя нам, недостóйным, содéлавшую.

Богорóдичен: Вместiвшая во утрóбе Девiче-
 ской невместiмое Слово, Богородiтельница, /
 даждь нам слово хвалéния, да с Небéсными сiлами
 воспóем Тя, / предстáтельство стра́шное и непобе-
 дiмое на враги во брани.

Ин, глас тойже

Ирмóс: Песнь побéдную поим вси Бóгу, / сотвор-
 шему дiвная чудеса мýшцею высóкою / и спáсше-
 му Израíля, / я́ко прослáвился.

Терпя потерпѣх Господа, рцы, Россіе, и внят ми, / и услыша молитву мою, и исправи стопы моя, / и вложи во уста моя песнь нову, Богу благодарственную, / и узрят мнози, и убоятся, и уповают на Господа.

Боговещанный Давиде, ныне с доброгласными гусльми стани, / и созови всех к торжественному православных пению, / и воспой с нами Богу песнь победительную.

Словесем Твоим, Господи, утвердишася небеса и поведают славу Твою; / темже словесем утверди уста наша, / да и тыя возвестят славу Твою, юже нам даровал еси, / Отче, и Сыне, и Всесвятый Дуже.

Богородичен: Приими благодарственную песнь, Ходатаице благодати на Тя надеющимся, / и мир испроси Церквам, отечество наше всегда неодоленно сохраняющи, / емуже победу на враги даровала еси.

Песнь 3

Ирмос: Утверди, Господи, Церковь Твою, / юже стяжал еси / силою Креста Твоего, / имже врага победил еси / и просветил еси вселенную.

Жезл силы послал еси нам, Господи, Крест Твой честный, / и сим оружие вражие притупил еси; / сему жезлу силы Твоея поклоняемся / и, поклоняющеся, Тебе Самаго почитаем.

Моисей, крестообразно распростер длани, побеждаше Амалика; / мы же, Крест Христов почитающе, победихом сопротивнаго силою на Нем Распятаго, / Емуже победительная воспеваем.

Светосиянен Креста образ на небеси виде, царь Константин Максентия победил; / сим же знаменем и Петр, свейскаго Максентия низложив силу, / Богу победителю благодарение возсылает.

Богородичен: Иудифе новаго Израиля, Богородительнице Маріе, / Ты еси похвала, и веселие, и честь наша, / Ты бо укрепила еси сердце наше на разорение новаго Олоферна.

Ин, глас 4

Ирмос: Лук сильных изнеможе, / и немощствующи препоясашася силою, / сего ради утвердися в Господе сердце мое.

Войстинну Крест Твой, Гóсподи, ору́жие непо-
бедíмое есть:/ сим бо враг наш и посмеятель си́-
лы Крестá низложíся,/ мы же победíтели явí-
хомся.

Вознесён змий исцелí от зми́ев угрызёння;/
вознесён Христóс на Крест уврачевá от зми́я и от
льва свéйскаго угрызёння,/ Тому́ сла́ва и благода-
ре́ние со Отце́м и Святы́м Ду́хом.

Покланя́емся подно́жию Твоему́, Гóсподи, я́ко
свято́ есть,/ сим бо враго́в на́ших подно́жие ног
на́ших положи́л еси́,/ вознёсл же еси́ главу́ на́шу,
ю́же Тебе́ приклоня́ем,/ да бу́дет всегда́ подно́жие
ног Твои́х.

Богорóдичен: Не упováша, Влады́чице, на Тя
беззакóннующи,/ но упováша на язык велере́-
чив,/ на язык челове́ч,/ тёмже, Влады́чице, чéлю-
сти их сокруши́ла еси́,/ упováющим на Тя посóб-
ствующи.

Седáлен, глас 5:

Трисóлнечный свет славослóвим и прóсте Трó-
ице ны́не поклонíмся,/ я́ко просветí нас и
помíлова / и воздаде́ сосéдом на́шим седмери́цею в
не́дро их поноше́ние их, ýмже поноси́ша нам,
сохраня́ющи óвцы па́жити Своея́ от похище́ния
ненасы́тнаго зверя́.

Сла́ва, и ны́не, Богорóдичен:

Рáдуйся, стено́ твёрдая почита́ющим Тя./ Ра́-
дуйся, падéние не покланя́ющимся Тебе́./ Ра́дуйся,
возведéние правосла́вных люде́й, Богорóдице,/
войстинну упováющих на Тя,/ моли́твами Твоими́
избавля́ющи нас от бед вся́ческих и от прегóрдых
враг.

Песнь 4, глас 6

Ирмо́с: Удивíся Твой ра́зум от менé,/ услы́шав-
шу пресла́вная велéния смотре́ния Твоего́,/ укре-
пíся же возлюблénием Твоего́ схожде́ния:/ Ты бо
моея́ нищеты́ не отвéрглся еси́.

Да не бу́дет нам дéвять прокажéнных мужéй
подража́ти неблагода́рствию,/ но, пресла́вно по-
бедíвшие Гóсподем на́шим Иисус Христóм,/ с

самарянином на нóгу Егó ниц падаем, хвалу́ Емú воздающе.

Небесá повéдают славу́ Бóжию, / мы же дóлжны Пресвятóе Имя Егó превы́ше небéс превозно́сити, / я́ко снiде с Небéс спасти́ во брáни помáзанныя Своя́.

Четы́рех живóтных, óкрест престóла Бóжия стоящих, возгласи́м песнь сию́: / Свят, Свят, Свят Господь Бог Вседержитель, / врагóв нáших победивый.

Богорóдичен: Руно́, ороше́нное благодáтию Бóжиею, Марiя, одолéние над свéями соде́ла, / я́коже прэ́жде Гедеóну на Мадиа́ма. / Той у́бо, по Бóзе победительная воспевающе, глаго́лем: / ра́дуйся, заступлéние правосла́вным христиáном, еретикóм же низложéние.

Ин, глас 2

Ирмо́с: Хранитель твёрдый / и незы́блемое утверждение Ты еси́, Христэ́, / наде́ющийся на Тя неукло́нны утвержда́я нас / извести́, в твёрдом Твоём основáнии наде́жды и ве́ры.

Два́десять и четы́рем старейши́нам подражающе, / паде́м пред сидя́щим на Престо́ле и поклонимся Живу́щему во ве́ки веко́в: / сим бо престóл российский не подви́жеся вра́жиими навéты.

Кто́ победи́ льва свéйскаго, / изше́дшаго от ны́рища своего́, и́щуща когó поглотити? / Се победи́л есть Лев, И́же сый от колéна Дави́дова, / Егóже прославля́ем непостижи́мую си́лу.

А́ще и А́гнец еси́ непоро́чен и смире́н се́рдцем, Христэ́, / но Твоёю крóтостию лев лю́тый упразднiся, / Тебе́ у́бо со ста́рцы припадаем и глаго́лем, / спасéние сидя́щаго на престóле Бóга нáшего и А́гнца.

Богорóдичен: Кивóт дрéвний, изно́сим в полки́, побежда́ше иноплеме́нников, / позлащённый Ду́хом кивóт — Марiя, победи́ врагóв нáших, / нас же защити́ от смертоно́сныя я́звы, / Ю́же я́ко Ма́терь Бóжию почита́ем.

Песнь 5, глас 7

Ирмо́с: Росá, я́же от Тебе́, Христэ́ Бóже, / исцелéние ве́рным нам яви́ся: / земли́ же нечествующих

злочестіво падэніе обещаэцца, / тэмже от ноці ўтренуюэца, / песнь Ти приносим.

Вэдом Бог во всех дэлах Своих, / наипаче же в тяжестех, егда заступает, знаемь есть; / Егоже и мы в тяжестех познавше заступление, егда разгна враги наша, / благодарственную песнь Ему приносим.

Отверзоша на ны уста своя, яко лев восхищай и рыкай; / Ты же, Господи, не удалил еси помощи Твоея от нас, / сокрушив членовныя львом.

Пове́мы Имя Твое братии нашей и посреде Церкви воспоём Тя, / яко спасл еси нас от уст львовых, / вознося, яко единорога, рог православных.

Богородичен: В бедах сущим близ Ты еси, Дево Чистая, / тэмже, к Тебе прибегающе, пременение во всех скорбех обретаем, Владычице, / Тобою и ныне спасо́хомся от стреляния вражия.

Ин, глас 6

Ирмос: *Неизреченныя Твоея силы / и содержительныя всех премудрости Твоея / устрашаюся, помышляяй, / и вопию Ти, Блаже: / на враги да вознесется, Христе, рог мой.*

В ноци коварств объяша нас, яко лев, готов на лов, / но предварь Господь и запы им: / посла с Небес Самсона Своего и растерза челюсти львом.

Боящиеся Господа, восхвалите Его, яко не унижи, / ниже негодова молитвы смиренных, ниже отврати лице Свое от нас, / и, егда воззвахом к Немю, услыша нас.

Слава Тебе, Иже во святых живещи, хвало Израилева, / на Тя уповаша отцы наши, и избавил еси я; / и мы воззвахом и спасо́хомся, уповахом и не постыде́хомся.

Богородичен: **Купиною** горящею и нестараемою прообразованная, / Ты нас посреде огня ратнаго неопальных сохранила еси, / пречудная Мати и Дево Богородительнице, / того ради от рода в род воспевати Тя не престанем.

Песнь 6, глас 5

Ирмос: *Обыде мя бездна, / гроб мне кит бысть, / аз же возопих к Тебе, Человеколюбцу, / и спасе мя десница Твоя, Господи.*

Испытуете, язъцы, откуду нам сила на сильного? / Не слышите ли наперсника Господня, глаголюща: / сия есть победа—победждающая мир вера наша.

Иже рече: / аще имате веру, яко зерно горюшно, / речете горе сей: преиди! и преидет, / и ничтоже невозможно будет вам, / Сей ныне подаде силу во брани верующим во Имя Его.

Иже Петру на мори подаде руку, / Сей и ныне во время ратного волнения Петра ят за руку / и изведе его от печалей многих.

Богородичен: Девора пророчица, судящая древле Израилеви, изыде на брань / и победи Ханаана, Сисара же в бегство сотвори. / Сиде и с нами на брань Девора новаго Израиля—Мария и таяжде сотвори, / да будет прославляема от всех родов.

Ин, глас 2

Ирмос: *Возопих в скорби моей / ко Господу Богу моему, / и посла Спаса мира, / и избави от тли живот мой.*

Возопи Россия в печали своей ко Господу, глаголющи: / кто возможет крепкаго сего врага победити? / Бог же отвещая и слово делом утверди, / яко вся возможна суть верующему.

Верую древнии заградisha уста львом, избыша острея меча, / быша крепцы во бранех, обратisha в бегство полки чуждых; / тоюжде верую Господнею и нам ныне подобная сотворити дарова Всесильный Господь, / Тому слава во веки.

Благодарим Тя, Христэ Боже наш, яко на камени основал еси Церковь Твою, / и не падеса ветром и волнениям нашедшим, / и врата адова еретическия силы не одолеша ей.

Богородичен: **Благословенна** Иаиль в женах Израилевых, яко разби главу Сисара; / благословенна еси от всех родов, Мариэ Богородице, / яко главы хульные сисаров нынешних пресекла еси, / сохраняющи стадо Своё невредимо.

Конда́к, глас 2:

В Ы́шних живы́й и на смире́нныя призира́яй, /
 Ё́же не дал еси́ ве́пру от дубра́вы озоба́ти / и
 уедине́нному диво́му поясти виногра́да Твоего́, /
 утверди́, Бо́же, е́же соде́лал еси́ в нас, / при́зри с
 Небесе́ и виждь, и посети́ виногра́д сей, и соверши́
 его́, / его́же насади́ десни́ца Твоя́.

Ўкос:

Ра́дуйся, Бо́гом насажде́нный но́вый виногра́де
 Господе́нь, Свята́я Це́ркви, / его́же насади́ в бого-
 покориво́й земли́ Росси́йской десни́ца Ы́шняго. /
 Ра́дуйся, я́ко простре́ ро́зги твоя́ до мо́ря и да́же до
 рек о́трасли твоя́. / Ра́дуйся, я́ко твёрдым опло́том
 огради́ ты / и осене́нием благода́ти сохрани́ невре-
 ди́ма от всех звере́й дивни́х, / исходя́щих от нбы́рищ
 сво́их на пояде́ние и попра́ние твоё. / Ра́дуйся и
 ты, вертогра́дарю правосла́вный, с про́чими дела-
 тельми виногра́да Христо́ва, / прогна́вший и пора-
 зивши́й ны́не по́мощию Ы́шняго льва свейскаго, /
 устремивша́гося на похище́ние пло́дов са́да тво-
 его́. / Ра́дуйтесь, вси́ древесá, благоче́стием и
 сла́вою процвета́ющи, / и, благодаря́ще Бо́гу,
 рцы́те па́ки: / утверди́, Бо́же, е́же соде́лал еси́ в
 нас, / при́зри с Небесе́, и виждь, и посети́ виногра́д
 сей, и соверши́ его́, / его́же насади́ десни́ца Твоя́.

Песнь 7, глас 4

Ирмо́с: *Оте́ц на́ших Бо́же, не посрами́ нас, / но
 да́руй нам со дерзнове́нием вопи́ти Тебе́: / благо-
 словен еси́, Бо́же отец на́ших.*

Якоже дре́вле триех отроко́в, такожде и нас,
 посреде́ огня́ вра́жия стоя́щих, / за благоче́стие
 невре́дных сохрани́л еси́, враго́в же пояде́ пла́-
 мень. / Те́мже со о́троки Тебе́ вопие́м: / благословен
 еси́, Бо́же отец на́ших.

Да о Имени Иисусове вся́ко колéно поклони́тся,
 Небесных и зёмных, и преисподних, / и всяк язы́к
 испове́сть, я́ко Господь Иисус Христос сотвори́ с
 нами ми́лость, / благословен Бог отец на́ших.

Во Имя Иисуса Христа́ Петр хро́маго смире́нна-
 го воздви́же и утверди́; / во Имя Того́жде Иисуса

Петр ныне гордо ходящаго охромѣ и крѣпкаго обезсилѣ./ Благословѣнно Имя славы Твоея, Господи.

Богородичен: Прообразуемо Рождество Твое, Богородице, отроки в пещи спасло есть;/ собывшее же ся ныне врагов наших ратный пламень угаси./ Тому поклоняющесе и Тебѣ, Начальницу нашего спасения, величающе, глаголем:/ благословен Бог отец наших.

Ин, глас 5

Ирмос: Прехвально есть и препрославлено Имя Твое,/ Господи, Боже отец наших, во вся веки,/ и препрославлен, яко праведен еси о всех,/ яже сотвори еси нам.

Образа злата божески не почетше,/ победиша гордыню Навуходносорову преславнии отроцы;/ мы же, Божественныя иконы благочестно почитающе, подобное свейское высокоумие смирихом:/ благословен Бог отец наших.

Падѣ Навуходносор, образ свой, аки Божий, почитати повелевающий;/ падоша sweи, образы святых поругающи./ Мы же, обоих нечестию сопротивоборцы, силою Вышняго победихом:/ благословен Бог отец наших.

Равно сонному видению Навуходносорову помышляше король свейский,/ и падѣ на него камень, и здание умышления его разсыпа, и все мечтание исчезе:/ благословен Бог отец наших, сотворивый тако.

Богородичен: Ты еси гора, от неяже отторжесе Камень/ и разсыпа здание мечтания вражия, Преблагословенная Богородице Маріе,/ Тебѣ убо по Бозе, яко падесе супостат наш,/ благодарение возсылаем, воспевающе:/ благословен Бог отец наших.

Песнь 8, глас 1

Ирмос: Премудростию и Словом вся составльшаго Бога,/ от языков и варваров избавльшаго нас,/ отроцы, пойте,/ священницы, прославите,/ людіе, превозносите во вся веки.

Забы́ лев естества́ своего́ уста́в, е́же лови́ти во ограда́е свое́й, / дерзне́ вни́ти в преде́лы чужды́я. / Те́мже и уловле́н есть от Го́спода, / о сем Го́спода просла́вите во вся ве́ки.

Петр апо́стол рече́: / супоста́т наш диа́вол, я́ко лев. / Петр же росси́йский ви́де супоста́та льва, я́ко диа́вола, / вни́де бо в держа́вы Росси́йския, но ничто́же, кроме́ рыка́ния, сотвори́, / низложе́н бо и изгна́н Го́сподем на́шим, / Егóже превозноси́те во вся ве́ки.

Ка́мо, изгна́н, бежи́ши, супоста́те? / В ста́до ага́рянское, полки́ своя́ в пораже́ние и в плен оста́вив; / о сем мы воспо́им Го́спода и превозно́сим во вся ве́ки.

Богоро́дичен: Предваривши́ вско́ре и предсто́ящи те́пле, Де́во Богоро́дице, / зело́ одержи́мых нас лю́тыми обстоя́нии от печáли свободи́ла еси́, / о сем да пою́т Тя священни́цы, лю́дие превозно́сят во вся ве́ки.

Ин, глас 3

Ирмо́с: *А́нгелами немóлчно в Бы́шних сла́вимаго Бо́га, / небеса́ небес, земля́, и го́ры, и хо́лми, и глубина́, / и весь род челове́ческий, / пе́сньми Того́, я́ко Созда́теля и Изба́вителя, благослови́те / и превозноси́те во вся ве́ки.*

Со Ангелы́ немóлчно славосло́вим си́лу Твою́, Го́споди, / е́юже низложи́л еси́ си́лы вра́жия, / и бы́ша я́ко прах пред ли́цем ве́тра, и путь их тьма и по́лзок, / и А́нгел Госпо́день погоня́я их лю́тым паде́нием.

Ополчи́шася А́нгели Твой, Го́споди, о́крест нас, / и ничто́же успе́ша проти́ву нас си́лы вра́жия. / Те́мже, Тебе́ припа́дающе и благода́ряще, мо́лим: / оградí нас и в бу́дущая времена́ святы́ми А́нгелы Тво́ими.

Ка́ко бы́ша в запус́тении? / Внеза́пу исче́зоша, я́ко со́ние востаю́щаго. / Ты, Го́споди, умно́жил еси́ на нас вели́чество Твое́ и, обра́щся, уте́шил еси́ нас, / за льще́ния их положи́л еси́ им зла́я, / внегда́ разгорде́шася.

Богоро́дичен: **В** ско́рбех уте́шение, / в напа́стех и в беда́х Предста́тельница Ты, Ма́ти Бо́жия, стя-

жѣвше, / печѣлей наших избѣвихомся; / тем Тя по долгу, яко Матерь Божію и Заступницу рѣда христіанскаго, величаем.

Песнь 9, глас 1

Ирмос: Сотвори державу мѣшцею Своєю, / низложи бо сильныя со престол / и вознесѣ смиренныя Бог Израилев, / в нихже посетѣ нас Восток с высоты / и направил ны естъ на путь мѣра.

Вскую полагаете оружіе супостаты? / На се ли внесѣсте е в страны наша, / да якоже Голиаф своим мечем пораженъ естъ, / тако и вы от своего оружія пострадаете.

Познасте на конецъ, яко оружіе ваше не спасетъ вас, того ради е повергѣсте. / Рцѣте убо с нами, яко Господь спасаетъ во брани: / благоволитъ Господь в смиренныхъ и уповѣющихъ на милость Его.

Познахом и мы, Господи, яко не оружіем нашим спасохомся, / но десница Твоя и мѣшца Твоя, / еюже вразѣ наши побеждены покорѣшася.

Богородичен: Нелестно упованіе и поможь имущѣ Тя, Богородице, наветовъ вражѣих не убоѣхомся, / онѣ же не имущѣ Твоея поможѣ, смятошася. / Тако да трепещутъ вси, не призывающѣ Тя на поможь, / рабѣ же Твоѣ ничѣмже устрашаеми пребудутъ.

Ин, глас 8

Ирмос: Да умолчатъ еретиковъ собранія, / не истинно Богородицу исповѣдающихъ Тя, / ибо свѣше Тя пророцы предпроповѣдаша / Матерь быти Божію / и Ходатаицу рѣда нашего. / Тем Тя, Дѣво, величаем.

Господь Саваофъ вождь бе полковъ нашихъ, Сей устрашѣ враговъ нашихъ, / яко им, многимъ числомъ сущимъ, оружіе трепетнымъ отъ рукъ испадѣ, / еже приѣмше, Господа силъ величаем.

Намъ ли кланяетесь, супостаты, ихже уничижите? / Не намъ, но Имени Господню с нами дадите славу, / Иже немощныя мѣра избрѣ, да посрамитъ крѣпкая, / и уничиженная избрѣ и не сущая, да сущая упразднитъ.

С нами Богъ, разумѣйте, язѣцы, и покарайтесь, яко с нами Богъ, / и болѣе безумно не дерзайте: / аще

бо па́ки возмо́жете, и па́ки побеждéни б́удете, / я́ко с на́ми Бог.

Богородичен: Не умолч́им никогда́, Богородице, си́лы Твоя́ глаго́лати, недосто́йнии: / а́ще бо Ты не бы предсто́яла моля́щи, / кто бы нас изба́вил от толи́ких бед? / Ктóже бы сохрани́л до ны́не свобóдны? / Не отст́упим, Влады́чице, от Тебé, / Твоя́ бо рабы́ спаса́еши при́сно от вся́ких лю́тых.

Ексапостила́рий:

Возда́л еси́ сосéдом на́шим седмери́цею в не́дра их поноше́ние их, / й́мже поноси́ша нам, Го́споди, / мы же, лю́дие Твои́ и о́вцы па́жити Твоея́, Тобо́ю сохранéннии и просла́вленнии, / испове́мся Тебé, Бо́же, во век, / в род и род возвест́им хвалу́ Твою́.

Сла́ва, и ны́не, то́йже.

На хвалíteх стихíры на 4, глас 4:

Где естé врази́ на́ши, / дёрзостно на предéлы Росси́йския нашéдшии? / Где ва́ше ору́жие? / Где во́инская зна́мения? / Где коры́сти, от мно́гих земель награ́бленныя? / Где толи́кая сýетная сла́ва? / Ничтóже, кроме́ безчéстия ва́шего. / Войстинну сб́ытся ны́не прорóческое слóво: / врази́ Го́сподни, кúпно просла́витися им и вознест́ися, / исчеза́юще, я́ко дым, исчеза́ша, / упова́ющи же на Го́спода не посты́дятся во ве́ки.

Рцы́ нам ны́не, Богодохновéнный Дави́де: / где есть превознося́щийся и в́ысяющийся? / В́идех бо, глаго́леши, нечест́иваго, превознося́щася и в́ысящася, / я́ко кéдры лива́нския, / и где ны́не есть, рцы́ нам? / Исчезé от очéс твои́х и на́ших, / и м́имо идóх, и се не бе, и не обрéтеся. / О, сýетнаго кичéния! / О, преходя́щая сла́вы! / О, вели́кия Твоея́, Бо́же, й́стины на враги́! / О, неизглаго́ланнаго к нам милосéрдия!

С ма́терию Сисáровою призира́ше свéя, глаго́лющи: / вскúю умéдлиша стопы́ Карóловы в дом свой возврати́тся? / Нача́льствующии отвеща́ша ей: / негли разделя́ет коры́сть / или́ в Росси́и седе на престóле / и тогó ра́ди о мéньшем своéм неради́т. / Го́сподь же сотвори́ ему́, / я́ко Мадиáму и Сисáре / и всем, й́же рéша: / да насле́дим себе́ святи́лище

Бóжие, / положи егó, яко кóло, / яко трость, пред
лицём вѣтра, / яко огонь, попаляяй дубравы, / тако
погна егó бурею Своёю / и гнѣвом Своим смятѣ егó.

Сла́ва, и ны́не, глас 8:

**Вознесѣ рúку скверную на Цѣрковь Бóжию
нечестивый Никанóр / и кля́тсѣ дом Бóжий ра-
зорíти, / Бог же, помóщник рабóм Своим, кля́тву
егó лóжну сотвори́. / Тако сотвори́ и супостату
нашему, / простѣршему рúку на Цѣрковь Бóжию, /
гла́вныя его тристáты / и крѣпкия военачáльники
предаде́ в рúце нáши, / сам же, победíтельною
ного́ю надѣющийся в цáрствующий град внíти, /
охромлѣн, побеже́ к вáрваром / и мѣста упоко́ения
не обрѣте. / Тако да погíбнут вси врази́ Твои́,
Гóсподи, / любящии же Тя, яко востóк сóлнца, да
возсия́ют.**

НА ЛИТУРГИИ

Блажѣнны от канóна пѣсни 3-я и 6-я. Прокíмен, глас 7:
Госпóдь крѣпость лóдем Своим даст, / Госпóдь благословíт
лóди Свои́ мíром. **Стих:** Крѣпость моя́ и пѣние моё Госпóдь,
и бысть мне во спасѣние. **Или́:** Кто Бог вѣлий, яко Бог наш?
Ты еси́ Бог, творя́й чудеса́. **Апóстол к Рíмляном, зачáло 99.**
Аллилу́ия. Стих: Госпóдь сил с нáми, застúпник наш Бог
Иáковль. **2:** Бог нам прибежище и сýла: **Евáнгелие от Лукí,**
зачáло 51: Се даю́ вам власть: **Или́ úтреннее. Причáстен:**
Хвалíte Гóспода с Небѣс:

О победе русских войск над шведами под Полтавой 27 июня 1709 года
смотри на страницах 542 и 543.

